

REÇU  
Par Mlle Christian, 10:21, 23/03/2021

Ministère de l'Agriculture, de la Viticulture et du Développement rural,	8
Référence: 218/2021	
24 MARS 2021	
A traiter par:	
Copie à:	

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 22. März 2021

Här President,

sou wéi d'Chambersreglement et virgesäit, bieden ech Iech, dës parlamentaresch Fro un den Här Landwirtschaftsminister weiderzeleeden.

An der Editioun vum Lëtzebuerger Bauer vum 19. März 2021 war am Artikel "Nationaler Strategieplan - Landwirtschaft bislang außen vor", ze liesen, datt déi landwirtschaftlech Verbänn an och d' Beruffskummer bis lo net an d'Opstelle vun dësem Plang mat abezu goufen, obwuel si fir en Dialog bereet stinn. Si äusseren den Androck datt d'Regierung eng Haltung vu Gesprächsverweigerung anhëlt. Dësen nationale Strategieplang uerdent sech an de gréissere Kontext vun der Reform vun der gemeinsamer, europäescher Agrarpolitik an.

Duerfir hunn ech folgend Nofro un den Här Landwirtschaftsminister:

- 1) Wéi reagiert d'Regierung op dëse Virwurf? Wéi begrënt d'Regierung déi Entscheedung, fir net op d'Expertise vun deene Leit zeréck ze gräifen, déi um Terrain all Dag mat de Konsequenze vun hirer Entscheedung konfrontéiert ginn?
- 2) Wéi wéilt d'Regierung sécher stellen, datt déi landwirtschaftlech Interesse vu Lëtzebuerger an Europa adequat berücksichtegt ginn, wann si mat deene wichtegsten Acteure guer net schwätzt? Wéi eng Gespréicher huet d'Regierung am Kader vum Ausschaffe vun dem genannte Strategieplang bis lo mat de Vertrieeder vun de Baueren- a Wënzerverbänn gefouert? Wéi eng Entrevue sinn an dem genannte Kader an den nächste Méint mat de Baueren- a Wënzerverbänn scho fixéiert oder nach vum Minister envisagéiert?
- 3) Wéi eng technesch, finanziell an ökologesch Theme ginn an dee genannte Strategieplang mat opgehallt?
- 4) An deem uewen zitéierten Artikel heescht et och, datt ënner anerem Vertrieeder vum Ëmweltministère bis lo méi staark an d'Gespréicher agebonne ware, wéi déi betraffe Verbänn selwer: wéi eng interministériel Vertrieeder sou wéi ausserministériel Verbands- an Interessevertrieeder goufe bis lo an d'Auschaffe vun deem Plang mat abezunn? Zu wéi engen Aspekter hunn si sech abruecht? Wéi begrënt sech jee weils hir konkret Participatioun?

Mat déiwem Respekt,



Jeff Engelen  
Deputéierten



CHAMBRE DES DÉPUTÉS  
GRAND-DUCHÉ DE LUXEMBOURG

Dossier suivi par Christian Alff  
Service des séances plénières et  
secrétariat général  
Tél : 466.966.223  
Fax : 466.966.210  
e-mail : calff@chd.lu

**Monsieur Marc Hansen**  
**Ministre aux Relations avec le Parlement**  
**Luxembourg**

Luxembourg, le 23 mars 2021

**Objet : Question parlementaire n° 3911 du 22.03.2021 de Monsieur le Député Jeff Engelen -  
Nouveau plan stratégique pour l'agriculture**

**Monsieur le Ministre,**

J'ai l'honneur de vous communiquer par la présente la question parlementaire sous objet.

Je vous prie de bien vouloir me faire parvenir la réponse du Gouvernement dans le délai d'un mois afin que je puisse la faire publier avec la question au compte rendu.

Veillez agréer, Monsieur le Ministre, l'expression de mes sentiments les plus distingués.

**Fernand Etgen**  
**Président de la Chambre des Députés**



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Agriculture,  
de la Viticulture et du  
Développement rural

Dossier suivi par : M. André LOOS  
Tél : 247-82530

Réf.: 218/21

**Monsieur Marc HANSEN**  
**Ministre aux Relations avec le**  
**Parlement**

**Service Central de Législation**

**LUXEMBOURG**

Luxembourg, le 20 avril 2021

**Objet:** Question parlementaire n° 3911 de l'honorable Député Monsieur Jeff Engelen

Monsieur le Ministre,

J'ai l'honneur de vous faire parvenir, en annexe, ma réponse à la question parlementaire citée sous rubrique.

Veillez agréer, Monsieur le Ministre, l'assurance de ma considération très distinguée.

Le Ministre de l'Agriculture,  
de la Viticulture  
et du Développement rural,

  
Romain SCHNEIDER





**Réponse du Ministre de l'Agriculture, de la Viticulture et du Développement rural à la question parlementaire n°3911 de l'honorable Député Monsieur Jeff Engelen**

Di national Agrarpolitik gëtt scho säit méi wéi 60 Joer duerch d'Gemeinsam Europäesch Agrarpolitik an hire virgeschriwwene Prozesser a Reegelingen definéiert. D'Agrarpolitik gëtt an engem 7-Jores-Rhythmus definéiert. Di nächst Period bezitt sich op den Zäitraum 2021-2027, woubäi allerdéngs eng lwwergankszäit vun 2 Joer decidéiert ginn ass, wou de virege Plang nach gültig ass an nei finanziell Mëttelen aus der Enveloppe 2021-2027 zur Verfügung gestallt ginn.

De « plan stratégique national relevant de la politique agricole commune » kuerz PSN-PAC, muss op Basis vun den europäesche Virgaben ausgeschafft an no engem genau definéierten Prozess opgestallt ginn, dee verschidden Etappe virgesäit. Als éischt Etapp war am Oktober an November 2019 eng breet Consultatioun vum landwirtschaftleche Secteur an aner Organisatiounen (Berufsverbänn, Verrieder vu Baueren-, Wënzer-, Beroder-, Ëmweltschutzorganisatiounen, Naturparken, Transformatiounsindustrie an der ländlicher Regioun), zesummen mat Experten aus dem Landwirtschafts- an Ëmweltschutzministär, gemach ginn, déi notamment och eng Analyse vun de Stärken an Schwächen vum landwirtschaftleche Secteur beinhalt. Dës Analyse ass um Portail vun der Landwirtschaft publizéiert.

Baséierend op dës Stärken-a Schwächenanalyse ass dunn eng Besoinsanalyse gemat ginn an éischt Elementer fir eng Strategie zur Ëmsetzung an dem PSN-PAC ausgeschafft ginn. Well di nei PAC grouse Wäert op Klima-, Ëmwelt- an Naturschutz leet, sinn d'Experten vun dem Ëmweltschutzministère fir déi jeeweileg Objektivier consultéiert ginn.

Den 16. Juli an den 1. Oktober 2020 waren zwou Reuniounen mat den Presidenten vun den landwirtschaftlechen Gewerkschaften fir de Kader vum PSN-PAC ze erklären an hier Positioun ze froen besonnesch wat d'Orientatioun vun den Direktbezielungen aus dem 1. Pilier vun der PAC betreffen.

Den 22. Oktober 2020 gouf et eng weider Reunioun an der Landwirtschaftskammer zum Thema Nitrat an Waasserschutz. Dëst huet sech als prioritären Besoin aus der Stärken-Schwächen Analyse erausgeschéit. En offiziellt Aarbechtsdokument vun der Landwirtschaftskammer zesummen ausgeschafft mat Beroder vun Convis leit eis vir.

An Tëschenzäit hu weider Aarbechtsgruppen tëschent LW-an Ëmweltministär betreffend den Objektivier am Beräich Waasser, Ëmwelt, Biodiversitéit an Klima stattfonnt.

Den 22. Februar 2021 war eng Aarbechtsreunioun mat der Landwirtschaftskammer fir nach emol am Détail verschidden Modeller fir d'Emsetzung vun den Aiden am Kontext vun der neier grénger Architektur ze analyséieren an ze diskutéieren.

Als nächst Etapp gëtt eng Ex-Ante-Analyse gemach, déi duerch onofhängeg extern Beroder ausgeféiert gëtt an duerch d'europäesch Kommissioun validéiert muss ginn an och eng strategesch Ëmweltpräiwung emfaasst. Dobäi gëtt speziell op d'landwirtschaftlech Akommes,

d'Wettbewerbsfäegkeet, de Klimawandel a Ressourcenchutz, d'Biodiversitéit, d'Beschäftegung an de Wuesstem ënnersicht.

Des Ex-Ante-Analyse, préift, ënnert anerem, d'Interventiounslogik.

D'Gespréicher mam landwirtschaftleche Secteur wäerte nach méi intensiv gefouert ginn wann déi konkret Interventiounen méi kloer sinn. Verschidden Elementer hänken awer och nach dervun of, wéi déi europäesch Verhandlungen téschent Kommissioun, Conseil a Parlament weider kommen an wéi se schlussendlech herno zeréckbehalen ginn. Aktuell ass dësen Trilogue nach net ofgeschloss.

Doropshin wäert dann eng Propos fir d'Ëmsetzung vun dem zukünftigen PSN-PAC erstallt ginn, déi dann all d'Elementer huet, fir an eng öffentlech Consultatioun ze goen.

Consultatiounen sinn eng wichteg Etapp éier den PSN-PAC der europäescher Kommissioun zur Approbatioun virgeluecht ka ginn an de Landwirtschaftsministär wäert an den nächsten Wochen op de Secteur duerkommen, fir dës Consultatioun optimal z'organisieren.

-----